

Free Digital Copy From [ServeNow](#)

*DEE ESE SE
WOHUNU FA
OKRISTONI HO*

Lars B. Dunberg

ServeNow 

Dee Eɛ Se Wohunu Fa Okristoni Ho

The Basic Things You Need to Know About Being a Christian (Asante Twi)

Ɔtwerefoɔ: Lars B. Dunberg

Owurayɛ Tumi © 2017 *ServeNow* na wɔde ma.

ServeNow nko ara na wɔma ɛkwan ma wɔde Owurayɛ Tumi no di dwuma.

ISBN 978-1-964796-77-2

Twerɛsem a wɔafa afiri Asante Twi Nkwa Asem™ mu,

Owurayɛ Tumi © 1996, 2020 Biblica Inc. na wɔde ma.

Biblica, Inc. nko ara na wɔma ɛkwan ma wɔde Owurayɛ Tumi no di dwuma.

ServeNow ne CLC/MLM na wɔtintimuiɛ

5142 N Academy Blvd #153

Colorado Springs, CO 80918, USA

Dee Eɛe Se Wohunu Fa Okristoni Ho

Hwan ne Okristoni?

Matutu akwan akɔ aman ahodoɔ beye zha (100) so wɔ ewiase yi mu. Mpen pii no, nnipa binom bisa me se, se yeka se Okristoni a, aseɛ kyere sen enna me nso metaa bisa nnipa binom saa asem korɔ yi ara. Nsakraee wɔ mmuaee a eye a wɔde ma me no mu efiri se eye a na wɔn mmuaee no fa kakra bi na eye nokore a eye a na nteasee mpo nhyeda nni mu.

Ma menka dee matee no mu bi nkyere wo. Afei, ma yenkohwe se yebehunu nokwasem no a!

Hwan ne Okristoni? Mesusu se, Okristoni ne obi a agye Onyankopɔn die

Nnipa bebree na wɔwɔ ewiase yi mu a wɔgye abosom die. Nhwesoo, Indiafoɔ gye abosom bebree di, nanso gye a wɔgye abosom bebree di no nkyere se wɔye Akristofoɔ.

Hwan ne Okristoni? Mesusu se, Okristoni ne obi a agye mpaebɔfoɔ

Nkramofoɔ bɔ mpaee. Hindufoɔ bɔ mpaee. Budafoɔ bɔ mpaee. Akristofoɔ bɔ mpaee. Nanso yeinom nyinaa mu no, mpaee a wɔbɔ no nkyere se wɔye Akristofoɔ.

Hwan ne Okristoni? Mesusu se, Okristoni ne obi a akɔ asɔre

Nnipa binom fa no se asɔrekɔ ye suban anaase zhye a wɔn abusuafoɔ bi hye wɔn ma wɔdi soɔ. Nnipa binom kɔ asɔre kɔhwe wɔn ani so adee keke. Akorɔmfoɔ bi kɔɔ asɔredan

mu kɔhwɛɛ sɛ wɔbɛtumi awia sika wɔ hɔ a, kɔ a akorɔmfoɔ no kɔɔ asɛredan mu no nkyerɛ sɛ wɔyɛ Akristofoɔ.

Hwan ne Okristoni? Mesusu sɛ, Okristoni ne obi a n'asetena mu yɛ papa kyɛn afɔforɔ deɛ

Nnipa bebreɛ na wɔgyɛ di sɛ, sɛ wɔde wɔn ho toto owudifoɔ a, wɔyɛ papa koraa sene owudifoɔ. Sɛ nnipa binom de wɔn ho toto wɔn ara abusuafoɔ binom mpo ho a, wɔhunu sɛ wɔn kristosom wɔ soro kakra sene wɔn abusuafoɔ no deɛ. Nanso ɛbeyɛ mmere pa ara ama wo sɛ wobefa atere sɛ sofi anaa sɔboro de abɔne tokuro ato bepɔpɔn mu sene sɛ wobefa papayɛ so abeyɛ Okristoni!

Hwan ne Okristoni? Mesusu sɛ, Okristoni ne obi a ɔkenkan Twere Kronkron no

Akristofoɔ pɛ Twere Kronkron pa ara enti wɔn mu dodoɔ no ara kenkan no da biara. Nanso akunini a wɔnnye nni sɛ ahonhom anaa Onyankopɔn wɔ hɔ no mu baako a wɔfrɛ no Karl Marx yii nwoma ahodoɔ a ɛwɔ Twere Kronkron mu no mu baako twereɛ nkyerekyeremusem bi faa ho wɔ ɛbere a na wadi mfee dunum (15). Ɛwom sɛ na wasua Twere Kronkron no mu nsem ate aseɛ yie pa ara deɛ, nanso wanka wɔ baabiara da sɛ ɔyɛ Okristoni. Ɛyɛ sɛ nnipa bekenkan Twere Kronkron no sedɛ wɔbɛtumi biara nanso kenkan a wokenkan Twere Kronkron no nkyerɛ sɛ woyɛ Okristoni.

Hwan ne Okristoni? Mesusu sɛ, Okristoni ne obi a ɔde ne ho hyɛ ɔsom no afahyɛ ahodoɔ no nyinaa mu

Ɛbere a Paul a na ɔyɛ tete asafo no mu ɔsomafoɔ no kɔsraa Atene kuropɔn a ɛwɔ Greeceman mu no, ɔhunuu anwanwasem bi. Ɔhunuu sɛ Atenefoɔ no de wɔn ho hyɛ ɔsom afahyɛ ahodoɔ bebreɛ mu. Wɔbɛtumi akenkan biribi afa yei ho wɔ Asomafoɔ 17:16-23 hɔ:

Ebere a Paulo retwen Silas ne Timoteo wɔ Atene no, ɔhunuu ahoni pii wɔ kuro no mu. Yei maa ne were hoee yie. Enti, na ɔne Yudafoɔ ne amanamanmufoɔ a wɔsom Onyankopɔn no taa hyia wɔ hyiadan mu ma ɔkyerekyere wɔn Onyankopɔn asem. Saa ara nso na daa na ɔne nkurɔfoɔ gye akyinnyee wɔ adwabɔee ara no no.

Afei, ɔne Epikurofoɔ ne Stoikfoɔ anyansafoɔ bi nso gye akyinnyee. Ebinom kaa se, na edeen na ɔtoatoafoɔ yi pe se ɔkyere yi? Afoforɔ nso kaa se, Eɛe dee ɔreka anyame afoforɔ bi ho asem. Dee enti a wɔkaa yei ne se, na Paulo reka Yesu Kristo ne ne wusɔree ho asem.

Wɔde Paulo kɔɔ Areopagoa nhyiamu anim kaa se, Yɛpe se yete nkyerekyere foforɔ a worekyerekyere yi ase, ɛfiri se, nsem a woka no bi ye yen asom asem foforɔ, enti yɛpe se wokyerkyere yen mu yie.

(Atenefoɔ ne ahɔhoɔ a wɔwɔ ho no nni hwee ye se wɔde wɔn adagyee nyinaa betie nsem foforɔ anaa wɔbeka nsem foforɔ a wɔate no akyere afoforɔ)

Paulo sɔre gyinaa Areopago nhyiamu no anim kaa se, Atenefoɔ, mehunu se moye nnipa a mope nyamesom yie. ɛfiri se, metuu mpase faa mo kuro yi mu, na mehunu mmeaee ahodoɔ a mosom no, mehunu afɔrebukya bi a wɔatwere ho se, Onyame a wɔnnim no no dee. Enti, adee a monnim na mosɔre no no, eno ho asem na mereka akyere mo yi.

Atenefoɔ no bɔɔ afɔree wɔ afɔrepono so maa ɔbosom bi a na wɔnnim no. Na Atenefoɔ no ye nyamesomfoɔ dee nanso hye a wɔde wɔn ho hye ɔsom afahye ahodoɔ mu no nkyere se wɔye Akristofoɔ.

Wobɔye Okristoni a, ɛse se wohunu Yesu Kristo yie

Se yɛbete sedee Okristoni si tee ase yie pa ara a, gye se yete sedee Onyankopɔn si tee ase ansa. Wokae Ate-~~ne~~foɔ a ye-dii kan bɔɔ wɔn din no? Na wɔpe se wohunu sedee Onyankopɔn si tee enti wɔyee afɔrepono mpo maa, Onyankopɔn

bi a na wonnim no. Paul mpo bisaa won se, Aden nti na mobo mpaee sre adee firi Onyankopon a monnim no ho? Na mpo wobuaa se, Yedoo so na yewo ha na yeakyinkyin aforepono ahodo so. Yeabo mpaee ne aforee pii nanso yennyaa mmuaee mfirii baabiara. Akoye te se dee obiara nte yen nne no. Yente hwee. Nanso ne nyinaa mu no, ese se Onyankopon bi wo ho a obegye yen so. Yegye di se owo baabi. Eno nti na yeaye aforepono yi.

Osomafo Paul ka kyeree won se, Onyankopon a oboo ewiase ne nneema a ewo mu nyinaa no na oye osoro ne asase. Awurade no nte asoredan a nnipa asi mu. Saa ara nso na biribiara a nnipa nam won dwumadie so de bema no no nso ho nhia no, efiri se, ono na oma nnipa nkwa ne biribiara a ehia won. Onam onipa baako so na oboo nnipa ahodo nyinaa de won tenaa asase so. Ono ankasa na ansa na orebobo nnipa no, ohyehyee amanaman ebere a wobesore ne ebere a wobehwe ase. Saa ara nso na ohyehyee won tenabea ahyee.

Ewom se Onyankopon ben yen dee, nanso oye yei sedee ebeye a nnipa behwehwe n'akyi kwan atwe aben no; sedee obi ka se, Ne mu na yete ase na yekeka yen ho no. Saa ara nso na mo nnwomtofo bi nso aka se, Yen nso ye ye ne mma no (Asomafo 17:24-28).

Ebinom pe se wonya atenka bi se worepinkyen Onyankopon. Wope se wohunu Onyankopon na wosan nso te ne nne. Se wope se wohunu Onyankopon a, enne na ese se wosua adee fa onipa bi a otenaa ase wo afe mpennu (2,000) no mu a na wofre no Yesu a ofiri Nazareth no.

Ebere a na Yesu wo asase yi so no, nnipa bebree na na wodi n'akyi se n'asuafoo. Na won nyinaa ka ne ho, na wotie no, na wosua nneema pii firi ne ho, wohunuu ne nnwuma enna wosan nso boaa no.

Nsonsonoe biara nna tete Yesu no ne enne mmere yi dee no nta. Wokenkan Yesu ho asem, wode w'adesrede

to Yesu anim wɔ mpaebɔ mu, wokoto sɔre Yesu na wodi Yesu ho nkɔmmɔ a, ɛma wo ne ne nkitahodie no ye tɔtɛe ɛnna afei nso ɛsan ye kann anaa korɔgyee. Wobedi Yesu akɔyi a, ɛmfa ho se woye nwomanimfoɔ anaase wobeyɛ obi a wo ho te sene w'afefoɔ. Yesu kaa se, *Mereka akɔyere mo se, obiara a ɔrennye Onyankopɔn Ahennie no se abɔfra no, ɔrentumi nhyene mu* (Marko 10:15). *Se obi wɔ Kristo mu a, na ɔye abɔdeɛ foforo, na nneema dada nyinaa atwam ama nneema foforo aba* (2 Korintofoɔ 5:17).

Yesu asetena wɔ asase yi so reko awieɛɛ no, n'asuafoɔ no mu baako a na wɔfre no Philip ka kyereɛ no se: *Awurade, kyere yen Agya no, ɛfiri se, deɛ yerehwehwe ara ne no. Yesu buaa no se, Filipino, enti me ne mo nanteɛe dadaada yi, wonnim onipa ko a meye? Obiara a ɔnim onipa ko a meye no nim m'Agya no. Aden enti na woka se, Kyere yen Agya no* (Yohane 14:8-9).

Na asuafoɔ no ahunu Yesu nti na ɛkyere se wɔahunu Onyankopɔn. Se woɛ se wɔhunu Onyankopɔn na wonim no (Onyankopɔn) yie pa ara a, ɛse se wote sɛdeɛ Yesu si tee ase yie. ɛno ne anammɔn a edi kan koraa a ɛse se wotu wɔ eberɛ a woɛ se wobeyɛ Okristoni.

ɔhaw a ɛda onipa so no

Na nnipa wɔ ɔhaw ne adwennwene nanso Yesu Kristo ayi ne nyinaa afiri ho. Wɔkaa asemfua 'onipa' deɛ edi kan koraa wɔ Twere Kronkron no nwoma a edi kan no mu wɔ eberɛ a Onyankopɔn kaa se:

Momma yemmɔ onipa se yen sɛso, na ɔnni epo mu mpataa, ewiem nnomaa, anantwie ne mmoa a wɔye keka ne biribiara a ewea n'afuru so wɔ asase so.

Enti, Onyankopɔn bɔɔ onipa se ne sɛso; Onyankopɔn sɛso so na ɔbɔɔ wɔn; ɔbaa ne ɔbarima na ɔbɔɔ wɔn (Gyenesis 1:26-27).

Enye nnipa na wɔbɔ Onyankopɔn. Eye Onyankopɔn na ɔbɔ nnipa. Onyankopɔn bɔ wo se ne sese.

Nanso asem bi too yen. Efiri ahyeasese no ara na nnipa baanu a Onyankopɔn dii kan bɔ wɔn no yee asoɔden wɔ Onyankopɔn so na enam so maa wɔhweree dee na Onyankopɔn wɔ ma wɔn nyinaa. Adebɔ ho abasem a ewɔ Gyenesi 2 no kɔ so ka kyere yen se, Onyankopɔn hyee Adam a ɔye ɔbarima a Onyankopɔn dii kan bɔ no no se mma ɔnni papa ne bɔne ho nimdee dua no bi. Wɔamma no kwan amma no anni dua no aba no bi. Enna Gyenesi 3 ho nso, yehunu se Adam ne Eve a ɔye ɔbaa a Onyankopɔn dii kan bɔ no no yee Onyankopɔn so asoɔden kɔdii aduaba no. Twere Kronkron mu no, yefa asoɔden se eye bɔne. Enam bɔne a edi kan a Adam ne Eve yee no nti, fereɛ ne hu hyee wɔn ma. Na Onyankopɔn ka kyereɛ wɔn se, seesei dee, owuo ara na mobewuo.

Osomafoɔ Paul kyerekyereɛ bɔne ho ɔhaw no mu wɔ eberɛ a ɔka kyereɛ asɔremma a wɔwɔ Rome no se, *Bone nam onipa baako so na ebaa ewiase, na ne bɔne no de owuo bae. Eno enti owuo tre baa nnipa nyinaa so, efiri se, wɔn nyinaa yee bɔne* (Romafoɔ 5:12).

Yesu ye bɔne ho ɔhaw yi pomasibere. Kɔ so ara kenkan na hunu dee enti a Yesu abrabɔ ho hia pa ara no!

Okristoni Gyidie Nnyinasoɔ anaa Fapem

Asɔre ase hyee aseɛ treɛ wɔ ewiase afanan yi mu beye mfee mpennu (2,000) akyi nie no, na nnipa bebree na na wɔnnim biribiara fa Kristosom nnyinasoɔ anaa fapem no ho. Enam saa nti, na wɔfre saa gyidie titire ahodoɔ no se, asempa no. Enti Paul a ɔne Yesu nyaa nkitahodie wɔ ekwan nwanwasoɔ bi soɔ no twereɛ ne nsem no sei kɔmaa tete asɔre ahodoɔ no mu baako se:

Afei, anuanom, mepɛ se mekae mo adwene fa Asempa a meka kyereɛ mo no a mogye too mu, nam so maa mo

gyidie mu yee den no ho. Eno ne Asempa a meka kyeree mo no. Se mokura Asempa no mu denden a, mobenya nkwa, gye se moannye anni.

Mekaa asem a metee a eho hia yie no kyeree mo se, yen bone enti na Kristo wuie sedee wawatwere no Atweresem mu se, wasiee no, na ne nnansa so no, asore firii awufoo mu sedee wawatwere wo Atweresem no mu se (1 Korintofooo 15:1-4).

Esiane se Yesu wu maa yen bone ahodooo no na onyane firii awufoo mu no nti, seesei, yebetumi asre no ama no agye yen afiri bone ho ohaw no mu. Yei ye asempa pa ara.

Yesu Kristo Da Awooo Foforo (Awofoforo) no Adi Kyere Wo

Se yekoo so kenkan asempa no ne hia a awofoforo no ho hia ho asem a, yehunu se, Twere Kronkron no ka abasem bi fa Nicodemus a okosraa Yesu da koro anadwo bi kabisaa no se, enti biribi wo ho a wofre no abraboo foforo anaa awofoforo ho. Momma yenkenkan abasem no:

Anadwo bi, obarima bi a oye Yudafooo mpanin no mu baako a wofre no Nikodemo a asane ye Farisini no, koo Yesu nkyen, koka kyeree no se, Okyerekyerefooo, yenim se Onyankopon na asomaa wo, efiri se, obiara ntumi nye nsenkyerennee a woye yi gye se Onyankopon ka ne ho.

Yesu buaa no se, Merema woate ase se, se wanwo wo foforo a, worentumi nko Onyankopon Ahennie no mu.

Nikodemo bisaa no se, Ebeye den na me abasiriwa yi, betumi ako me maame yam ama wawo me bio?

Yesu nso buaa no se, Mereka nokore akyere wo, se wamfiri nsuo ne Honhom mu anwo obi a, orentumi nko Onyankopon Ahennie no mu. Dee wofiri onipa mu awo no no, ye ohonam, na dee wofiri Honhom mu awo no no, ye honhom. Mma ennye wo nwanwa se maka se, ese se wawo wo foforo! Sedee wote mframa nka, nanso wontumi nkyere

faako a efiri ba ne faako a ebɔ kɔ no, saa ara na Honhom mu awoɔ no nso te.

Nikodemus bisaa no se, Ebeye den na yei aba mu?

Yesu buaa no se, Wo, ɔkyerekyerεfoɔ a wodi mu Israel na wonte yei ase? Dee yenim ne dee yεahunu na yereka akyerε mo yi, nanso monnye yen nni. Se meka asase yi so nsem kyere mo na monnye nni a, ebeye den na se meka ɔsoro nsem kyere mo a, mobegyε adi? Obiara nkɔɔ ɔsoro da, agye dee ɔfiri ɔsoro baeε no—Onipa Ba no. Sedεε Mose maa ɔwɔ seso a wɔde kabere aye asen dua so wɔ esere so no, saa ara na Onipa Ba no nso wɔbema no so, na obiara a ɔgye me di no, ɔbenya nkwa a enni awieεε. Na sedεε Onyankopɔn dɔɔ ewiase nie; se ɔde ne Ba a ɔwoo no korɔ no maeε, na obiara a ɔgye no di no anyera, na mmom wanya nkwa a enni awieεε. Onyankopɔn ansoma ne Ba amma ewiase se ɔmmεbu ewiase aten, na mmom, ɔsoma no se, ɔmmegyε ewiase nkwa (Yohane 3:1-17).

Na Nicodemus ye onipa papa, ɔnokwafoɔ ne onimuo-nyamfoɔ. Na ɔka ɔsom mu akunini atenankonnwa no ho. Nanso ne nyinaa mu no, ɔpεε se ɔbeyε abɔdeε foforo wɔ Kristo mu.

Na Nicodemus hia awoforo! Na wate se, εse se wɔwo no foforo. Honam mu deε, na wɔawo no te se deε w'awoforo woo wo no ara bi pεpεpε. Nanso na εhia se wɔwo Nicodemus wɔ honhom mu nso. Na asem yi ntɔ asom papa nanso Yesu kyerekyerεε ekwan a ebetumi afa so aba mu mu.

Yesu asuafoɔ no mu baako twerεε se, Na wɔn a wɔgyee no, na wɔgyee ne din diiε no, ɔmaa wɔn tumi ma wɔbeyεε Onyankopɔn mma wɔ honhom fam, a εmfiri onipa anaa ɔhonam fam, na mmom efiri Onyankopɔn ankasa (Yohane 1:12-13).

Hwan ne Okristoni? Okristoni ne obi a ɔgye di se Yesu agye no afiri ne bɔne mu na ɔsrε se wɔnwo no foforo.

Okristoni ka Onyankopɔn abusua no ho

Antioch kuropon no mu na wɔdii kan frɛe agyidifoɔ se Akristofoɔ. Na Antioch ye kuropon a nnipa beye ɔpehasa (\$100,000) na wɔte mu. Nnipa a na wɔte kuropon yi mu hunuu Yesu Kristo akyidifoɔ no mu ekuo ketewa bi enna wɔhyee aseɛ frɛe wɔn se Akristofoɔ efiri se, wɔhunuu se saa nniakuo no abrabɔ ye sononko.

Edeen na emaa wɔyee sononko? Eye Onyankopɔn adom na na ayi wɔn afiri wɔn tete abrabɔ mu de wɔn baa abrabɔ foforo mu wɔ Yesu Kristo mu. Onyankopɔn adom yi firi Yesu wu a ɔwu wɔ asennua no so na ne nnansa soɔ no, ɔsoree no mu. Wontumi nto nkwagyee. Eye akyedee a yenam gyidie so na enya.

Okristoni ye Yesu Kristo akyidifoɔ

Yesu nna no mu no, na yeka se osuani a, na eye Yesu akyidini a ɔtie ne wura asem na afei nso, ɔne no nante da biara.

Enne mmere yi dee, yenam Yesu asem ne mpaebɔ so na ɛtie no enna yenam sedee yesi bɔ yen bra so na edi n'akyi.

Okristoni ye Honhom Kronkron no tenabea

Tweresem no ka se, Akristofoɔ ye Honhom Kronkron no tenabea. Sedee Onyankopɔn ka kyereɛ Jewfoɔ no se wɔnsi asoredan mma ɔmmetena mu no, saa ara nso na eho hia se ne Honhom no betena yen Akristofoɔ akoma ne yen adwene mu na yede yen ahɔnden ne yen tumi nyinaa ye adwuma hye Onyankopɔn animuonyam.

Okristoni hwehwe se ɔbekɔ ɔsoro ahemman mu

Enye se yete ase yi nko ara na yeye Akristofoɔ. Yeye Onyankopɔn dea afebɔɔ na yen ani da so se, yene no betena wɔ yen wuo akyi abrabɔ foforo no mu wɔ ɔsoro ahemman mu.

Okristoni kenkan Twere Kronkron no wɔ ɛberɛ biara

Baabiara a wobekɔ wɔ ewiase yi mu no, Akristofoɔ pa ara ne nɔpa a wɔkenkan na wɔsan sua Twere Kronkron mu nsem no. Aden ntira?

Twere Kronkron no ma yehunu Yesu

Twere Kronkron akenkan nye nkonyaayie. Mmom, Asem a wɔatwere no (Twere Kronkron no) kyere yen Nkwa Asem no (Yesu) na ɛka kyere yen sɛ, Kɔ Yesu nkyen. Sɛ yeankɔ Yesu nkyen a, ennee na kenkan a yekenkan Twere Kronkron no nyinaa akɔye ɔbrɛguo.

Twere Kronkron no na eye nnyinasɔ ma yen abrabɔ wɔ Onyankopɔn mu

Twere Kronkron no te sɛ kanea a ɛhyeren wɔ ɛkwan a Okristoni nam sɔɔ so. Nneema ahodoɔ a Okristoni hia sɛ ɔhunu fa Onyankopɔn, Yesu ne Honhom Kronkron ho no nyinaa wɔ Twere Kronkron no mu. Twere Kronkron no ye nteaseɛ nnyinasɔɔ ma wo ne Onyankopɔn ntam nkitahodie. ɛtenetene w'adwene ne w'ahonim.

Twere Kronkron no ma wo ahɔɔden de ko tia ɔbonsam

ɛberɛ a ɔbonsam sɔɔ Yesu hwɛɛɛ wɔ esere no sɔɔ no, Yesu de Twere Kronkron mu nsem na ɛbuaa ɔbonsam nsem-misa no. Yekɔ so kenkan Onyankopɔn Asem no a, ɛdane ye honhom mu akodeɛ ma yen. Twere Kronkron no te sɛ nkrante nufanu a ɛboa ma yeke tia sɔhwɛ.

Twere Kronkron no ma yen ɔsom mu ahɔɔden

Woye Okristoni a, ɛkyere sɛ wɔafre wo sɛ besom amansan na boa wɔn a wɔben wo mma wɔmmeye Yesu Kristo akyidifoɔ. Woreda ɔɔɔ adi akyere mmɔborɔfoɔ ne ahiafoɔ ka ɔsom no ho bi.

Twere Kronkron no tenetene abrabɔ bɔne

Atwera sem nyinaa firi Onyankopɔn home mu, na eye ma nkɔkyerekɔye, atenyie, atenetene ne tenenee mu yen (Timoteo 3:16).

Twere Kronkron no ma nteaseɛ ba

Twere Kronkron no te se aduane ma Okristoni nanso enye honam mu aduane. Mpen dodoɔ a woredi honam mu aduane no, mpen dodoɔ no ara na wokɔ so meeɛ nanso mpen dodoɔ a woredi honhom mu aduane no, mpen dodoɔ no ara na Onyankopɔn ho ekɔm kɔ so de woɔ. Twere Kronkron no ma wote Onyankopɔn ase, ema wopere se wobehunu nneema pii afa ne ho na esan nso ma woben no pa ara.

Okristoni ne Onyankopɔn wɔ nkitahodie amapa***Okristoni ne Onyankopɔn kasa***

Mpaebɔ nye dwumadie a egyina onipa so. Woye Okristoni yi, se wobɔ mpaee a, fa w'ani si Onyankopɔn so. Ye-su ka kyereɛ n'akyidifoɔ no se, wɔnnyae nsemfua ntimu a nteaseɛ biara nni mu a wɔde di dwuma wɔ wɔn mpaebɔ mu no, na mmom wɔnka wɔn nsem no nkyere Onyankopɔn a oye wɔn ɔsorosoro Agya no. Mpaebɔ ka onipa ne Onyankopɔn ntam nkitahodie no ho. Eɛ se yesua biribi firi Yesu nhwesopa no mu. Mpen pii no, na ɔno nko ara te ne ho ne n'Agya kɔdi nkitaho wɔ mpaebɔ mu.

Okristoni nam mpaebɔ so nyini wɔ Onyankopɔn mu

Mpaebɔ te se ɔhome; eye Okristoni nkwa. Se yeɔ mpaee daadaa a, ema yehunu nyansa enna ema akadee ahodoɔ a ewɔ yen mu no nso nyini yie. Mpaebɔ nye mmereye ho senkyerennee na mmom eye ahooɔden ne kankɔ ho senkyerennee. Mpaebɔ te se nwomasua. Na asuafoɔ no hia

se wosua se dee yesi bo mpaee enti Yesu kyeree won se dee yesi bo mpaee na efiri saa bere no besi nne, asore no were mfirii da. Akristofos nyinaa fa saa mpaebɔ ho adesua ahodoɔ, ahohyesoɔ ne akwannya ahodoɔ yi mu wo eberɛ a wɔrenyini wɔ Onyankopɔn mu no.

Okristoni nam mpaebɔ so kamfo Onyankopɔn

Yeye Honhom Kronkron no tenabea enti ese se yehye Onyankopɔn animuonyam wɔ biribiara mu. Apam Foforo no ka se, aseda, ahosepe ne nkamfoɔ ye nneema titire a eho hia pa ara wɔ Okristoni abrabo mu.

Nnwom nwoma no ka Onyankopɔn kесеye ne dee waye ama ne mma ho asem mpen pii kyere yen. Se yedwendwene Onyankopɔn abodini akeseɛ te se ne nokoredie ne n'adɔye no ho a, na efata se ne nkamfoɔ nya kyefa kесеɛ wɔ yen mpaebɔ mu.

Okristoni nam mpaebɔ so de aseda ma Onyankopɔn

Monna Agya Onyankopɔn ase eberɛ biara wɔ biribiara ho wɔ yen Awurade Yesu Kristo din mu (Efesofos 5:20). Yen mu dodoɔ no ara da ase wɔ nneema bi ho. Agyidifos a Honhom no ahye won ma no taa da ase wɔ nneema nyinaa ho. Wagyina Awurade Yesu Kristo din mu na woye saa.

Okristoni nam mpaebɔ so hunu Onyankopɔn apedeɛ

Mpaebɔ nye ekwan a yefa so hye Onyankopɔn wɔ yen apedeɛ ho na mmom, eye ekwan a yefa so hunu Onyankopɔn apedeɛ a ɔwɔ ma yen. Eye mpaebɔ so na yefa hwehwe Onyankopɔn apedeɛ. Ese se yegyɛ tom na yedi so perepere. Nokore mpaebɔ biara ye asentitire “Wo pe nye ho” nnanemu anaa ne fa bi.

Yen Wura kyeree yen yei wɔ mpaebɔ nhyehyeeɛ a ɔde maa yen no mu. Wɔrebɛbo Yesu asennua mu no, ɔde ne ho yee nhwesokunini maa yen wɔ setie a ese se yeye ma

Onyankopon apedeɛ ho. Eberɛ a na ɔwɔ Gethsemane Turrom hɔ no, ɔbɔɔ mpaɛɛ sɛ, *M'Agya, sɛ ebɛtumi a, ma kuruwa yi ntwame ho nkɔ*. *Nanso, deɛ wopɛ na enyɛ, na nye deɛ mepɛ* (Mateo 26:39).

Okristoni nam mpaebɔ so na ekɔ honhom mu tebea foforo mu

Mpaebɔ a emu yɛ den tumi ma Okristoni kɔ tebea foforo mu. Yɛhunu yei wɔ Efesofoɔ 6:18. *Eberɛ nyinaa mu mommɔ mpaɛɛ wɔ Honhom mu*, da biara ne berɛ biara, *mpaebɔ ahodoɔ ne nkosre mu*, efiri sɛ mpaebɔ nnyina botaeɛ koro so. *Yei enti monna mo ho so*, efiri sɛ, sɛdeɛ ɔsraani biara si tee no, ɛsɛ sɛ yɛma yɛn ani da hɔ sɛdeɛ ebeyɛ a yerensan yɛn akyi wɔ yɛn gyidie mu anaase yerenna nnahɔɔ, na *mommɔ mpaɛɛ mma ahotefoɔ*, esiane sɛ, ɛsɛ sɛ Onyankopon mma foforo no nkabom da adi wɔ yɛn mpaebɔ mu. Eberɛ bi wɔ hɔ a, Akristofoɔ bebree ne mpaebɔfoɔ binom de animia bɔ mpaɛɛ a emu yɛ den ma Onyame mma binom. Ne nyinaa mu no, sɛ yede nnipa *kakra* bi gyina hɔ ma nnipa *nyinaa* wɔ saa nsem yi mu biara mu a, ebɛda mpaebɔ nhyehyɛɛ foforo adi akyerɛ yɛn.

Okristoni ka ne gyidie ho asem kyere afoforo

... ɔka Kristo ho asem kyere afoforo

Esiane sɛ Kristosom gyina Yesu Kristo so na mmom, ennyina nyansape anaase ɔsom mu gyidie nhyehyɛɛɛ bi soɔ nti, Yesu Kristo ho asenka no anyɛ den amma tete asuafoɔ no koraa. Na asuafoɔ no bi yɛ nsaanodwumayefoɔ anaa adwadifoɔ, na ebinom nso yɛ nwomanipfoɔ enna na wɔn mu dodoɔ no ara nso yɛ mmaa nanso na wɔn nyinaa anya osuahunu wɔ Yesu nsakraeɛ tumi no mu. Eno nti na na enyɛ den mma wɔn sɛ wɔbeka Yesu ho asem akyerɛ afoforo no.

Ɛbere a na ɔsomafoɔ Philip nam ɛserɛmkwan bi so wo Gaza no wɔhunu Ethiopiani panin bi ɛna ɔne no kyee Yesu ho asem. Wobetumi akenkan biribi afa Philip ho wo Asomafoɔ 8:26-40. Ɛse se yen nyinaa nso tumi ye saa bi ma onipa biara a yene no behyia. Ɛse se yen nyinaa tumi ye Yesu ho adansedifoɔ.

... ɔbɔ ne ho mmɔden se ɔbɛkyerekyere nokwasem no mu

Yesu buaa se, *Mene ekwan no, ne nokore no, ne nkwa no; obi ntumi nkɔ Agya no hɔ, gye se ɔfa me so* (Yohane 14:6).

Se woba Kristo mu na wohunu nokore kwan no a, ɛbeyɛ osuahunu kɛsɛɛ ama wo te se deɛ wɔawo wo foforo no. Afei, woyɛ Yesu akyidini a, ɛse se wosua nokwasem a ɛfa ne ho no mu dodoo a wobetumi nyinaa sɛdeɛ ɛbeyɛ a wobetumi akyerekyere saa nokwasem a ɛfa Yesu ho no mu akyere afoforo. Yesu ka kyereɛ n'asuafoɔ no se, *Ɛfiri se, saa ɛbere no ara mu Honhom Kronkron no bɛkyere mo deɛ ɛse se moka* (Luka 12:12).

... ɔbɛkyere ɔdɔ akyere afoforo

Se Kristo fre yen na ɔsoma yen se yenko ewiase a, ɛye a na ɔpe se yekoye nneɛma pii sene se yɛbɛka ne ho asem no nko ara. Ɛye a na ɔpe se yekoda Onyankopɔn dɔ a ɛsakraa yen no adi.

Ansa na wɔrekyere Yesu akɔbɔ no asennua mu no, ɔka kyereɛ n'akyidifoɔ no se, *Ahyedee foforo na mede regya mo se:*

Monnodɔ mo ho sɛdeɛ medɔ mo no. Na se mododɔ mo ho mo ho a, obiara behunu se moye m'asuafoɔ (Yohane 13:34).

... ɔbɛka deɛ etoo no no

Kristo ho asenka nyɛ ɔhyɛ. Ɛye adeɛ a yɛpe se yɛye de hye no animuonyam wɔ deɛ wayɛ ama yen no ho. Di w'ankasa wo ho adanseɛ— ka sɛdeɛ na wosi tee ansa na

worebehunu Kristo na ka sedee wobehunuu Kristo yi, wasi asesa w'abrabo ho asem te se dee onifurani no a Yesu saa no yaree no si teaa mu no, *Dee benim ara ne se, kane no na meye onifirani na afei dee mehunu adee* (Yohane 9:25)!

Okristoni ne Ewias

Wɔfre Okristoni firi ewias

Ɛwom se nnipa mpempem na ene Akristofoɔ *te asase* yi so nanso wɔafre yen Akristofoɔ afiri dodoɔ no mu. Ense se nnipa a wɔye Kristo dea no dwene anaase ye nneyee bi te ewiasefoɔ na mmom, ese se Akristofoɔ de Kristo adwene na etena ewias. Se obi da Kristo adwene ne ne nneyee adi a, yeka se onii korɔ no ye ɔhoteni. Asee kyere se woreye sononko. Ɔhotefoɔ ye onipa sononko. Paul twere komaa Akristofoɔ a na wɔdi kan wɔ Rome no hyee wɔn nkuran se:

Eno enti, anuanom, esiane Onyankopɔn ahummɔborɔ enti, mehye mo se momfa mo onipadua mmɔ afɔdee a eye kronkron na esa Onyankopɔn ani. Yei ne nokwasem a ese se mosɔ mu. Monnye mo ho se ewiasefoɔ wɔ mo abrabo mu, na mmom, momma Onyankopɔn nsakra mo adwene wɔ mo mu, na moanya adwene foforo, na enam so ama moahunu Onyankopɔn apɛdee, dee eye, dee esa n'ani ne dee ewie pɛye (Romafoɔ 12:1-2).

Wɔsoma Okristoni ba ewias

Ɛwom se Okristoni ntumi mfa ne ho nhunta ewias nanso ense se ɔma ewias di ne so. Ne nyinaa mu no, ese se yebo yen ho mmɔden bɔ ɔbra pa - ɔbra a ebema yeaye te se kanea ne nkyene - wɔ ewias yi mu.

Okristoni di ewias so nkonim

Yei ye aberempɔn ko. Ahonhommɔne a wɔwɔ ewias yi mu asunsum mfidie de repe yen ayi yen de atwe yen ako abrabo a na yewɔ mu ansa na yerehunu Kristo no mu bio.

Yohane nwoma ahodoɔ a ɔtwereɛ no baako mu no, ɔtwereɛ afofusem yi de maa yen se, *Monnnɔ ewiase anaase biribiara a eye ewiase dea. Se modɔ ewiase a, na ekyere se monnnɔ Agya a ɔwɔ mo mu no. Biribiara a eye ewiase dea, honam akɔnnɔ, deɛ nnipa hunu na wɔn kɔn dɔ, biribiara a ɛwɔ ewiase a nnipa hoahoa wɔn ho wɔ ho no, emu biara mfiri Agya no. Ne nyinaa firi ewiase. Ewiase ne mu akɔnnɔdeɛ retwam, nanso deɛ ɔye Onyankopɔn apedeɛ no tena hɔ daa* (1 Yohane 2:15-17).

Deɛ Yesu kyerɛkyereɛ yen fa Okristoni abrabɔ ho

Mateo ti 5-7 hɔ no, Yesu aka abrabɔ ho nsem pii na akyere yen: *Ɔhunuu nnipakuo no saa no, ɔkɔ beɔ bi so. Ɔtenaa ase no, n'asuafoɔ no kɔ ne nkyen. Na ɔhyee aseɛ kyerɛkyereɛ wɔn se* (Mateo 5:1-2).

Yɛfre Yesu nkyerɛkyereɛ yeinom se **Nhyira Nsem.**

Nhyira ne wɔn a wɔye ahiafoɔ wɔ honhom mu, na wɔn na ɔsoro ahennie ye wɔn dea.

Nhyira ne wɔn a wɔn were aho, na wɔn na Onyankopɔn bekyekyere wɔn were.

Nhyira ne ahobreasefoɔ, na wɔn na Onyankopɔn bema wɔadi asase so.

Nhyira ne wɔn a wɔn pe ne se wɔbeyɛ Onyankopɔn apedeɛ, na wɔn na Onyankopɔn bema wɔndee ehia wɔn.

Nhyira ne wɔn a wɔhunu mmɔbɔ, na wɔn na Onyankopɔn behunu wɔn mmɔbɔ.

Nhyira ne wɔn a wɔn akoma mu tee, na wɔn na wɔbehunu Onyankopɔn.

Nhyira ne apatafoɔ, na wɔn na Onyankopɔn befre wɔn ne mma.

Nhyira ne wɔn a esiane se wɔye Onyankopɔn apedeɛ enti, wɔtaa wɔn, na wɔn na Ɔsoro Ahennie no ye wɔn dea.

Nhyira ne mo a me din mu enti, wɔya mo, taa mo, twa atorɔ, ka asemmɔne to mo so. Momma mo ani nnye

na monsepe mo ho, efiri se, mowɔ akatua a eso wɔ ɔsoro. Monhunu se saa ara na wɔtaa adiyifoɔ a wɔdii mo ekan no (Mateo 5:3-12).

Yesu kɔɔ so kyerekyerɛ yɛn se yenye te se nkyene ne kanea: *Mone asase yi so nkyene. Se nkyene de yera a, ekwan ben so na wɔbefa ama aye nkyene bio? Enye mma hwee bio, gye se wɔhwie gu na nnipa tiatia so.*

Mone ewiase kanea. Kuro a eda beɔ so no ntumi nhinta. Wɔnsɔ kanea mfa nsie, na mmom, wɔde si petee mu na ahyeren ama wɔn a wɔwɔ efie no mu no nyinaa. Saa ara na momma mo nneyɛɛ pa nna adi mma nnipa nhunu na wɔnam so ahye mo Agya a ɔwɔ ɔsoro no animuonyam (Mateo 5:13-16).

Yesu Hye Mmara No Ma

Monnsusu se maba se merebesɛ Mmara no anaa Adiyifoɔ no nkyerekyerɛ no. Na mmom, maba se merebɛhye no ma sɛdeɛ ne nyinaa beba mu pɛpɛpɛ. Monhunu se ɔsoro ne asase da so wɔ hɔ yi, Mmara no mu biribiara rensakra da kɔsi se ne nyinaa beba mu. Yei enti, obiara a ɔbebu mmaransɛm no mu fa bi so, na ɔbekyerɛkyerɛ afoforɔ ama wɔn nso abu mmaransɛm no mu fa bi so no, ɔbeyɛ akumaa ɔsoro ahennie mu. Na obiara a ɔbedi mmara no so, na ɔbekyerɛkyerɛ afoforɔ ama wɔn nso adi mmara no soɔ no, ɔbeyɛ kesɛ ɔsoro Ahennie mu.

Enti, merebɔ mo kɔkɔ se, se mope se mokɔ ɔsoro ahennie mu deɛ a, gye se moyɛ Onyankopɔn apɛdeɛ sene deɛ Atwerɛsɛm no akyerekyerɛfoɔ no ne Farisifoɔ no ye (Mateo 5:17-20).

Yesu Kyerekyerɛ Abufuo Ho Mmara

Mose mmara no ka se, 'Deɛ ɔdi awuo no, ɔno nso eɛ se wɔkum no bi. Na me deɛ, deɛ mereka ne se, obiara a ne bo befu ne nua no, wɔbebu no aten. Bio, obiara a ɔbedi

ne nua atem no, wɔbefre no mpanin anim. Afei, obiara a ɔbeka akwere ne nua se, Ogyimifoɔ' no, ɔbekɔ amanehunu ogya mu.

Enti, se eba se worekɔbɔ afɔdee na wokae se wo ne wo nua wɔ asem a, gyae afɔdee no bɔ, na kɔ na wo ne wo nua no nkɔbom ansa na woakɔbɔ w'afɔdee no.

Se wo ne obi nya asem a, wo ne no mmɔ mu ntem, na wamfa wo ankɔ asenniie ankɔma ɔtemmufoɔ, na ɔtemmufoɔ no amfa wo anhye afiasehwefoɔ nsa, na afiasehwefoɔ no amfa wo ankɔto afiase. Se ɔde wo kɔ ɔtemmufoɔ anim a, kae se, ansa na wobefiri asenniie hɔ no, gye se woatua sika biara a wɔregye afiri wo hɔ no (Mateo 5:21-26).

Yesu kasa fa Adwamammɔ ho

Mose mmara no ka se, Nsee awadeɛ. Na me deɛ, deɛ mer-eka ne se: Obiara a ɔhunu ɔbaa na ne kɔn dɔ no n'akoma mu no, abɔ adwaman. Se w'ani baako a eye to wo suntidua a, eye se wobetu ato atwene. Efiri se, eye se wobehwere w'akwaa fa bi sene se wɔbeto wo onipadua no nyinaa atwene amanehunu ogya mu.

Saa ara nso na se wo nsa a eye to wo suntidua a, eye se wobetwa ato atwene efiri se, eye se wobehwere w'akwaa fa bi sene se wɔbeto wo onipadua nyinaa atwene amanehunu ogya mu (Mateo 5:27-30).

Yesu kasa fa awaregyaɛ ho

Mose mmara no ka se, Obiara a ɔbegyaa ne yere no mma no awaregyaɛ krataa. Na me deɛ, deɛ mer-eka ne se, se ɔbarima bi gyaa ne yere a enye se ɔbaa no abɔ adwaman, na ɔbaa no sane kɔware bio a, na ɔbarima a ɔgyaɛe no no ama ɔbaa no aseɛ awadeɛ. ɔbarima foforo a ɔbeware ɔbaa no nso aseɛ awadeɛ saa ara (Mateo 5:31-32).

Yesu kasa fa Okasa Mu Nokoredie ho

Bio, Mose mmara no ka se, Mmu bɔ a woahye Onyankopɔn no so, na mmom, di bɔ a woahye no no so. Na me deɛ, deɛ mereka ne se: Monnka ntam mfa nhye bɔ. Monnnɔ ɔsoro, efiri se, eye Onyankopɔn ahennwa. Monnnɔ fam, efiri se, eye Onyankopɔn nan ase adwa. Monnnɔ Yerusalem, efiri se, eye ɔhenkeseɛ kuroɔn. Mfa wo tiri nka ntam, efiri se, worentumi nnane tirinwi baako mpo mma enye fitaa anaa tuntum. Momma mo nsem nye Aane anaa Dabi. Asem biara a wobeka a enye aane anaa dabi no firi ɔbonsam (Mateo 5:33-37).

Yesu kasa fa Aweretɔ ho

Mose mmara no ka se, Se obi tu w'ani a, tu ne deɛ bi. Se obi tu wo se nso a, tu ne deɛ bi. Na me deɛ, deɛ mereka ne se: Mommfa bɔne ntua bɔne so ka! Se obi bɔ w'aso nifa mu a, dane benkum no nso ma no na ɔmmɔ mu. Se obi ne wo di asem gye w'atadeɛ nhyeaseɛ a, worɔ w'atadeɛ nkatasoɔ ka ho ma no. Se obi hye wo se, wo ne no nnante kwansin baako a, wo ne no nkɔ akwansini mmienu. Se obi sɛe wo biribi a, fa ma no; obi pe se ɔfem wo hɔ biribi a, fa fem no (Mateo 5:38-42).

Yesu kasa fa dɔ a ese se wɔdɔ w'atamfoɔ ho

Moate se wɔaka se, 'Dɔ wo yɔnko, na tane w'atamfoɔ. Na me deɛ, deɛ mereka ne se: monnnɔ mo atamfoɔ, na mommo mpaɛɛ mma wɔn a wɔha mo. Yei bema mo aye mo Agya a ɔwɔ ɔsoro no mma, efiri se, ɔma n'awia pue, ma ne nsuo tɔ ma nnipa bɔne ne nnipa pa nyinaa pe. Se modɔ wɔn a wɔdɔ mo no nko ara a, akatua ben na mobenya? Enye saa ara na nnebɔneyefoɔ nso ye? Se mokyea wɔn a monim wɔn nko ara a, nsonsonoeɛ ben na eda mo ne afoforoɔ ntam? Enye saa ara na nnebɔneyefoɔ nso ye? Enti monye pe sedee mo Agya a ɔwɔ ɔsoro no ye pe no (Mateo 5:43-48).

Yesu kasa fa papaye ho

Monhwe yie na moanye papa ankyere nnipa, amfa ampe animuonyam. Se moye saa a, morennya mfasoɔ biara mfiri mo Agya a ɔwɔ ɔsoro no nkyen. Se woye papa a, mmɔ no dawuro sedee nyaatwomfoɔ ye wɔ asɔredan mu ne mmɔntene so no. Merema mo ate se, saa nnipa no anya wɔn akatua dada. Se woye papa a, mma obiara nhunu, mpo se wode wo nsa nifa ye papa a, mma wo nsa benkum nhunu, na w'agya a ɔnim kokoam nsem nyinaa no betua wo ka (Mateo 6:1-4).

Yesu kasa fa mpaebɔ ne akɔmkyene ho

Efa mpaebɔ ho nso, se morebɔ mpaee a, mommmɔ mpaee sedee nyaatwomfoɔ gyina asɔredan mu ne mmɔntene so bɔ mpaee de pe nnipa anim animuonyam no. Merema mo ate ase se, saa nnipa no anya wɔn akatua dada. Se wobɔ mpaee a, hɔ wo dan mu, na to wo epono mu, na bɔ w'Agya a wɔnhunu no mpaee, na w'Agya a ɔnim kokoam nsem no betua wo ka.

Se mobɔ mpaee a, monnkasakasa bebre ntiti nsem mu, nsusu se, se moye saa a na Onyankopɔn betie mo. Mo Agya Onyankopɔn nim dee ehia mo nyinaa ansa na mobisa no. Enti, saa ekwan yi so na momfa mmɔ mpaee: Yen Agya a wowɔ ɔsoro, wo din ho nte. W'ahennie mmra. Dee wope nye hɔ wɔ asase so, sedee etee wɔ ɔsoro. Ma yen yen daa aduane enne, na fa yen bɔne kye yen, sedee yede wɔn a wɔfom yen no bɔne kye wɔn no.

Mma yenkɔ sɔhwe mu. Na yi yen firi ɔbɔnefoɔ no nsam.

Se mode wɔn a wɔfom mo mfomsoɔ kye wɔn a, mo nso mo ɔsoro Agya de mo mfomsoɔ bekye mo. Nanso, se moamfa wɔn a wɔfom mo mfomsoɔ ankye wɔn a, mo ɔsoro Agya no nso remfa mo mfomsoɔ nkye mo.

Se modi mmuada a, monnye mo anim mmɔbɔmmɔbɔ sɛdeɛ nyaatwomfoɔ mmuada a wɔye de pe nnipa anim animuoniam no. Merema mo ate asee se, saa nnipa no anya wɔn akatua dada. Se wodi mmuada a, nunu wo tirim na hohoro w'anim, na ma w'anim nye frɔmm, na mma nnipa nhunu se woredi mmuada, agye w'Agya a ɔhunu dee woye wɔ kokoam nyinaa no nko ara; na w'Agya a ɔnim kokoam nsem nyinaa no betua wo ka (Mateo 6:5-18).

Yesu kasa fa sika ne agyapadeɛ ho

Monhyehye mo agyapadeɛ wɔ asase yi so, dee ntefere betumi awe, na ebetumi awe nnaakye na aseeɛ, na akorɔmfoɔ betumi awia. Mmom, monhyehye mo agyapadeɛ wɔ ɔsoro, dee ntefere ntumi nwe, na entumi nwe nnaakye nseeɛ, na akorɔmfoɔ ntumi nwia. Na dee w'agyapadeɛ wɔ no, eho na w'akoma nso wɔ.

Ani ye onipadua kanea. Eno enti se w'ani ye a, na wo onipadua nyinaa ye hann. Nanso se w'ani nye a, ema wo onipadua no nyinaa dane esum tumm. Enti, se hann a ewɔ wo mu no ye esum dee a, na wo onipadua no ye esum kabii.

Obiara ntumi nsom awuranom baanu; se ɔye saa a, ɔbetan ɔbaako, na wadɔ ɔbaako anaase ɔbesom ɔbaako yie, na wabu ɔbaako animtia. Morentumi nsom Onyan-kopɔn ne ahodeɛ.

Yei enti na metu mo fo se, monnnwennwene dee mobedi anaa dee mobenom anaa dee mobefira ho. Mowɔ ɔkra ne onipadua a esom bo sene dee mobedi, dee mobenom ne dee mobefira. Monhwe ewiem nnomaa, wɔnnua aba enna wɔntwa aba mmoaboa ano mfa nsie, nanso mo Agya a ɔwɔ ɔsoro no ma wɔn aduane di. Monnsom bo nsene wɔn anaa? Mo mu hwan na adwene a ɔdwen no betumi ato ne nkwa nna so simasin?

Aden enti na modwennwene ntoma ho? Monhwe afidɛɛ bi se sukooko. Wɔnnye adwuma, anaase wɔnwene

ntoma ho. Nanso, *Ohene Salomo ahonya ne n'animuon-yam nyinaa akyi no, na n'ahoɔfe nnuru sukooko yi. Na se Onyankopɔn tumi fira afifidee a ewɔ ho enne na ɔkyena ennu ho ntoma a, mo a mo gyidie sua, ebeye den na ɔrentu-ma mma mo dee ehia mo?*

Enti, monnnwennwene dee mobedie, dee mobenom anaase dee mobefira ho. Na wɔn a wɔnni gyidie no na eberɛ biara wɔdwene saa nneema no ho. Na mo dee, mo Agya a ɔwɔ ɔsoro no nim se yeinom nyinaa ho hia mo. Enti, mon-hwehwe Onyankopɔn Ahennie ne ne tenenee kane, na ɔde dee ehia mo nyinaa beka mo ho.

Enti, monnnwennwene ɔkyena ho. Onyankopɔn no ara de dee ehia mo bema mo. Eɔa biara ne mu nsem (Mateo 6:19-34).

Yesu kasa fa atenyie ho

Mommmu nten, na afoforɔ ammu mo nten. Deɛ mode ye afoforɔ no, eno ara na wɔde beye mo.

Aɔen na woma aboseaa a eɔa wo nua ani so no ha wo, eberɛ a eboɔ keɛɛe da wo deɛ so? Ebeye den na woatumi aka akyere wo nua se, Ma menyɛ aboseaa a eɔa w'ani so no mma wo, wɔ eberɛ a eboɔ da w'ani so. Nyaatwomni! Di ekan yi eboɔ a eɔa w'ani so no ansa na woatumi ahunu aboseaa a eɔa wo nua ani so ayi ama no.

Mommfa deɛ eho te mma nkraman. Saa ara nso na monnto mo nhwene pa ngu mprako anim! Wɔbetiatia so, na woadane wɔn ho ato ahye mo so (Mateo 7:1-6).

Yesu kasa fa mpaebɔ amapa ho

Mommisa, na wɔbema mo; monhwehwe, na mobehunu; mompem, na wɔbebue mo. Na obiara a ɔbisa no, ɔnya. Obiara a ɔhwehwe no, ɔhunu; na deɛ ɔpem no, wɔbue no.

Na hwan na ne ba bisa no burodo a ɔbema no eboɔ? Anaase ɔbisa no nsuomnam a ɔbema no ɔwɔ? Eremma saa da! Na se mo a moye nnebɔneyefɔɔ mpo nim seɔdeɛ moma

mo mma nnepa a, ebeye den na mo Agya a ɔwɔ ɔsoro no mfa nnepa mma ne mma a wɔbisa no no (Mateo 7:7-11).

Yesu kasa fa Mmara Kunini no ho

Enti, sedee mmara no ne adiyifoɔ no ka no, adee biara a mope se nnipa nye mma mo no, mo nso monye mma wɔn saa ara (Mateo 7:12).

Yesu kasa fa ekwan teateaa no ho

Ekwan teateaa no nko ara so na wobetumi afa akɔ ɔsoro! Ekwan a ekɔ ɔbonsam kurom no tre, na n'apono nso mu bae ma nnipadɔm a wɔfa so kɔ ɔsee mu. Epono a wɔwura mu de kɔ nkwa mu no ye ketewa na ekwan a wɔfa so no nso ye teateaa, na nnipa kakra bi na wɔhunu fa so (Mateo 7:13-14).

Yesu kasa fa dua no ne n'aba ho

Monhwe mo ho yie wɔ atorɔ akyerekyerefoɔ a wɔba mo nkyen ahobreasee mu se nnwan nanso wɔye mpataku a wɔnya mo a, wɔbetete mo pasaa no ho. Wɔn nneyee na mode behunu wɔn, sedee motumi de dua bi aba hunu dua ko a eye no. Worentumi nte bobɛ wɔ nkasee so; saa ara nso na worentumi nte borɔɔma wɔ nnenkyemse so. Dua a ewɔ nnyinasoɔ pa no tumi so aba pa; na dua a enni nnyinasoɔ pa no nso so aba bɔne. Dua pa ntumi nso aba bɔne saa ara nso na dua bɔne ntumi nso aba pa. Dua biara a enso aba pa no, wɔtwa de gu ogya mu hye no. Onipa nneyee na ema yehunu ne suban (Mateo 7:15-20).

Yesu kasa fa nokore adiyifoɔ ho

Enye obiara a ɔbɔ me din 'Awurade, Awurade' no na ɔbekɔ ɔsoro ahennie mu. Atemmuo da no, nnipa pii beka akyere me se, Awurade, yekaa wo ho asem kyeree afoforɔ. Yenam wo din nso so tuu ahonhommɔne sane yee anwanwadee ahodoɔ. Na mabua wɔn se, mennim mo da. Momfiri me so nkɔ, nnebɔneyefoɔ (Mateo 7:21-23).

Yesu kasa fa ɔbotan fapem so dansie ho

Wɔn a wɔtie dee meka, na wɔdi so no te se onyansafɔɔ a ɔsi ne dan si ɔbotan so. Se osuo tɔ, na osuframa bɔ, na nsuo yiri, na emu biara ka edan no a, eremmu da efiri se, wɔsi sii ɔbotan so. Nanso, wɔn a wɔtie dee meka na wɔnni soɔ no te se ɔkwasea bi a ɔsii ne dan sii anwea so. Se osuo tɔ, na osuframa bɔ, na nsuo yiri, na emu biara ka edan no a, ebedwiri agu fam abubu pasaa (Mateo 7:24-27).

Tumi wɔ Yesu kasa mu

Yesu asenka no maa nnipadɔm a wɔtiee no no nyinaa ho dwirii wɔn, efiri se, ɔkyerekyerɛ se obi a ɔkura tumi na ne nkyerekyerɛ no nte se dee Atweresɛm no akyerɛkyerɛfɔɔ no kyere no (Mateo 7:28-29).

Ɛdeen na ɛbɛba w'akwan mu wɔ ɛberɛ a woabeyɛ Okristoni?

Se obi hye asee ne Kristo di nkitaho na ɛnam so ma ɔbeyɛ Okristoni a, mobeyɛ te se awarefɔɔ. Ɛkwan ben na wobɛfa so ahunu se ampa ara woyɛ Yesu dea? Ɛkwan ben na wobɛfa so ahunu se woyɛ Okristoni na ampa ara ne Honhom no abetena wo mu sedee wohyɛe no se ɔnye no ara pɛpɛpɛ?

Akyinnyegyɛe ho ɔhaw

Akyinnyegyɛe betumi abubu wo. Ɛnye nwanwa se wobegye akyinnye wɔ wo nna a edi kan no mu se woyɛ Okristoni. Ɛduru ɛberɛ bi a, wobɛte se enne bi reka kyere wo se, Ah, enti wo pa ara woyɛ Okristoni? Yei ye sere keke! anaase Wogyɛ di yie pa ara se Onyankopɔn begye wo? Ɛkwan ben pa ara na wobɛfa so ahunu yei?

Kristo bɔhyɛ ahodoɔ no

Bɔhyɛ bebree na ɛwɔ Twere Kronkron no mu ma yen se yede yen abrabɔ hye Kristo nsa a. *Na obiara a ɔbɛba me*

nkyen nso no, merempam no (Yohane 6:37). Enna Yesu kaa se, Mo a moaye adwuma abre na moasoa nnesoa nyinaa, momira me nkyen, na mema mo ahome (Mateo 11:28).

Tie! Megyina epono no akyi rebɔ mu; se obi te me nne na obue epono no a, meba mu na me ne no adidi na onso ne me adidi (Adiyisem 3:20).

Onka se ebia ... aka no pen se Meye. Yei ye bohye.

Yesu hyee bo se, Mereka nokore akyere mo se: Obiara a etie me nsem na ogye dee osomaa me no di no, wo nkwa a enni awiee. Woremu no aten, efiri se, wafiri owuo mu aba nkwa mu (Yohane 5:24).

1 Yohane 5:11-13 ka se, Yei ne adanse no: Onyankopɔn ama yen nkwa a enni awiee; na saa nkwa no wo ne Ba no mu. Obiara a woɔɔɔ Ba no wo saa nkwa no, na obiara a onni Ba no nni nkwa no. Mo a mogye Onyankopɔn Ba no din di no, meretwere mo yei sedee ebema moahunu se mowɔ nkwa a enni awiee.

Kristo mu abrabɔ ye mmere anaa?

Yesu baa asase yi soɔ no, enye daa nkwa nko ara na oɔɔ maa yen na mmom omaa yen akwannya wo biribiara a eho hia yen ho nanso yei nkyere se eberɛ biara, asetena mu beye mmere ama Okristoni. Yesu ka kyerɛ yen se, Mobe hunu amane wo ewiase. Nanso, monnyina pintinn! Madi ewiase so nkonim (Yohane 16:33).

Tete asafo no bere soɔ no, na woye Akristofoɔ ayakayakadee esiane won gyidie nti nanso ne nyinaa mu no, wogyinaa pintinn. Enne mmere yi mu no, woye Akristofoɔ ayakayakadee mpo kyen tete ho no. Enye betee se obi beye Okristoni nanso ne nyinaa mu no, mpanin se, mmodemmo bu mmusuo aba so.

Mmoa a ɛwɔ ho ma Okristoni nkonimdifoɔ

Woye Okristoni no nkyere se wodi mmara kyenkye-nenkyee a nnipa ahyehye nko ara soɔ na mmom, ese se yede yen ho hye Yesu a wasesa yen abrabɔ no nsa na yedi anammɔn so. Yesu ka kyeree n'akyidifoɔ no se, *Obiara a ɔdi m'ahyedeɛ so no ne obi a ɔdɔ me. Obiara a ɔdɔ me no m'Agya bedɔ no, na me nso medɔ no na mada me ho adi akyere no* (Yohane 14:21).

- Kenkan na sua Onyankopɔn Asem no. Hye Onyankopɔn bɔhye ahodoɔ a ɔwɔ ma yen agyidifoɔ no nyinaa nso. Ne bɔhye no ye aduane ma yen kra. *Monye se nkɔkoaa a eberɛ biara sukɔm de mo, se mobɛnya honhom mu nufosuo kronn anom, na se monom a moanyini na wɔagyɛ mo nkwa* (1 Petro 2:2). Eye wo kwan so kanea a ese se woma ekyerɛ wo kwan. *W'asem ye me nan ase kanea ne m'akwan so hann* (Nnwom 119:105).
- Da biara, bɔ mpae kyere w'Agya a ɔwɔ soro no wɔ Awurade Yesu Kristo din mu. *Na monna Agya Onyankopɔn ase eberɛ biara wɔ biribiara ho wɔ yen Awurade Yesu Kristo din mu* (Efesofoɔ 5:20).
- Kamfo no wɔ ne nhyira a ɔde ama wo no ho na sre no se ɔmma wonni nkonim wɔ bɔne ne mmereye a ɛwɔ w'abrabɔ mu no so. *Se yɛka yen bɔne kyere Onyankopɔn a, ɔye ɔnokwafɔɔ ne ɔteneneeni se ɔde yen bɔne bekye yen, na wate yen ho afiri dee ente nyinaa ho* (1 Yohane 1:9). Bio, bɔ mpae sre no se ɔnnye afoforɔ nso ahiadeɛ mma wɔn. Se wokɔ so bɔ mpae da biara a, ebema wo honhom mu ahooɔden atu mpɔn.
- Pae mu ka kyere wo nnamfonom ne afoforɔ se Yesu ye w'Agyenkwa. (Romafoɔ 10:9-10). Enam yei so bema woabeye Kristo ananmusini wɔ wo mpɔtam ho ama wɔn a wɔayera no (2 Korintofoɔ 5:17-21).

- Bɔ mmɔden ara se wobedi abrabɔ mu sɔhwe bɔne biara so nkonim. Ewom se sɔhwe beba nanso ese se yeye ahweyie na yeankɔtɔ mu. Eɛe se yetwe yen ho firi nneema a ebetwe yen asan wɔ yen Kristo-som mu anaase nneema a ebema yeahwe ase wɔ yen Kristosom mu ho. *Na monkyiri bɔne biara* (1 Tesalonikafoɔ 5:22).
- Fa ahosepe som Awurade. *Momfa ahosepe nsom Awurade; momfa anigyee nnwom mmra n'anim* (Nnwom 100:2). Onyankopɔn wɔ beaee a wobetumi asom bi ma wo.
- Sakra w'adwene. *Monnye mo ho se ewiasefɔɔ wɔ mo abrabɔ mu, na mmom, momma Onyankopɔn nsakra mo adwene wɔ mo mu, na moanya adwene foforɔ, na enam so ama moahunu Onyankopɔn apedeɛ, dee eye, dee esɔ n'ani ne dee ewie peye* (Romafoɔ 12:2).
- Ene Yesu akyidifoɔ nkaee no nni nkitaho eberɛ bi-ara. Fa wo ho kɔdɔm agyidifoɔ ekuo. Ene wɔn nka mmɔ mu nsom, ene wɔn mmɔ mu mmɔ mpaee na ma akannifoɔ a wɔwɔ ekuo no mu no nkyerekyere wo. Nya eberɛ fa w'adom akyedeɛ ne wo sika ye wo nkwagyee ho adwuma.
- Monnwene ɔsoro nneema ho. *Wɔanyane mo ne Kristo aba nkwa mu. Afei monnwene ɔsoro nneema ho, baabi a Kristo te Onyankopɔn nifa so di ɔhene no. Saa nneema no na momma mo adwene nkɔ so, na ennye asase yi so nneema. Efiri se, moawu na wɔde mo nkwa ne Kristo ahinta wɔ Onyankopɔn mu* (Kolosefoɔ 3:1-3).
- Ma Kristo dɔ no nhye wo ma. *Monnye pesemenkome-nya; monnhoahoa mo ho mfa mpe animuonyam hunu. Mommre mo ho ase mma mo ho mo ho na mommu mo yɔnkonom nsene mo ankasa mo ho. Mommma obiara*

nnnwene ne nko ara n'adee ho, na mmom, onnwene n'adee nso dee ho bi (Filipifoo 2:3-4).

- Odo ne adee a edi kan. Se mede nnipa ne abofo tekrema kasa na menni do a, na mete se yaawa a eregyegye anaa akasae a erewoso keke. Ebia na mewo akyede a metumi ka asempa no ma eka nnipa akoma; ebia na mewo osuahunu ne ntease ma mete ahintasem nyinaa ase; ebia na mewo gyidie a ema metumi tutu mmepe, nanso se menni do a, menka hwee. Metumi de dee mewo nyinaa makyee na mpo matu me onipadua asi ho se wonhye, nanso se menni do a, mennya ho mfaso biara.

Odo wo boaseto na ne tirim ye mmeri; do nye ahoyea anaa enkyere ne ho anaa onni ahomaso su; do mmu obra bone; nye pesemenkomenya; ne bo nha no; omfa bone nhye ne mu; do mpe bone, na mmom, ope nokore. Odo mpa aba; ne gyidie, n'anidaso ne ne boaseto nni hwamm (1 Korintofoo 13:1-7).

Na do Awurade wo Onyankopon firi w'akoma ne wo kra ne w'adwene ne w'ahoden nyinaa mu no. Na dee eto so mmienu no ne: Do wo yonko se wo ho. Mmaranssem bi nni ho a ekyen yeinom (Marko 12:30-31).

ADESUA NE NNWENNWENEHO NSEMMISA

- Nnipa bebre na wɔakyerɛ wɔn adwene afa Okristoni ho. Emu deɛ ɛwɔ he na wogyɛ die?
- Edeɛn pa ara na ɛyɛ Okristoni gyidie nnyinasoɔ?
- Su a ɛda adi wɔ Okristoni ho no mu bi ne deɛ ɛwɔ he?
- Su ahodoɔ a ɛwɔ Okristoni ho no mu deɛ ɛwɔ he na ɛhia sɛ wobɔ wo ho mmɔden ma no da adi yie wɔ w'abrabɔ mu?
- ɛkwan ben na worefa so ama saa su yi ada adi yie wɔ w'abrabɔ mu?

- Se yeka se, Okristoni wɔ ewiase nanso ewiase nye Okristoni dea a, wote aseɛ sɛn?
- Yesu kyerekyere yen nneɛma bebree. Ka emu bi na kyerekyere deɛ enti a saa nneɛma no ho hia ma wo mu?
- Ekwan ben na yen nyinaa betumi afa so abɔ yen bra sɛ Okristoni?
- Kyere akwan mmienu anaa mmiensa bi a wobetumi afa so ama wo Kristo abraɔ no akɔ so ara ahyeren.